

水經注卷三



漢 桑 欽撰

後魏 酈道元注

河水三

河水又北過北地富平縣西

河側有兩山相對水出其間即上河峽世謂之為青山河水歷峽北注枝分東出

河水又北逕富平縣故城西

秦置北地都尉治縣城王莽名郡為威戎縣曰特

水經注

卷三

武漢地志建武中曹鳳字仲理為北地太守政化

尤異黃龍應於九里谷高岡亭角長三尺大十圍

稍至十餘丈天子嘉之賜帛百匹加秩中二千石

河水又北薄骨律鎮城

雜指作果園

城在河渚上赫連果城也桑果餘林仍列洲上但

諸出戎方不究城名訪諸耆舊咸言故老宿彥言

赫連之世有駿馬死此取馬色以為邑號故目城

為白口驪韻之謬韻字下當有轉字謂白遂仍今

稱所未詳也

澤云龍應與
虎渡雙美俱
於河見九里
之潤河水洋
是即豐碑
蓋蓋
薄上當有逕字此
可亦是注非徑也

河水又逕典農城東

世謂之胡城又北逕上河城東世謂之漢城薛瓚曰上河在西河富平縣即此也馮參為上河典農都尉所治也

河水又北逕典農城東

俗名之為呂城皆參所屯以事農

宋本農下有一毗字

河水又東北逕廉縣故城東

王莽之西河亭地理志曰卑移山在西北

河水又與北枝津合

水經注

卷三

二

水受大河東北逕富平城所在分裂以溉田圃北流入河今無水爾雅曰澶反入言河決復入者也河之有澶若漢之有潛也

河水又東北逕渾懷鄣西

地理志曰渾懷都尉治塞外者也太和初三齊平徙歷下民居此遂有歷地之名矣南去北城三百里

漢志渾懷都尉治在北平此作北城誤

河水又東北歷石崖山西

去北城亦當作平五百里山石之上自然有文盡若戰

漢書馮參傳無典農字典農之名始于建安也續書百官志云邊郡置典農都尉主此曰瓚穀

馬之狀粲然成著類似圖焉故亦謂之畫石山也
又北過朔方臨戎縣西

河水東北逕三封縣故城東漢武帝元狩三年置
十三州志曰在臨戎縣西一百三十里

河水又北逕臨戎縣故城西

元朔五年立舊朔方郡治王莽之所謂推武也

河水又北有枝渠東出謂之銅口東逕沃野故城南
漢武帝元狩三年立王莽之綏武也枝渠東注以
溉田所謂智通在我矣

水經注

卷三

三

河水又北屈而爲南河出焉河水又北池西溢於窟
渾縣故城東

漢武帝元朔二年開朔方郡治又有西部都尉治
有道自縣西北出雞鹿塞王莽更郡曰溝搜縣曰
極武其水積而爲屠申澤澤東西一百二十里故
地理志曰屠申澤在縣東卽是澤也關駟謂之渾
澤矣屈從縣北流

河水又屈而東流爲北河東逕高闕南

史記趙武靈王旣襲胡服自代並陰山下至高闕

宋云善能二

字妙作戡然

梗覺無味

本云當自有善

朱云如此用

結局字奇

為塞山下有長城長城之際連山刺天其山中斷

兩岸雙闕善能雲舉望若闕焉節狀表目大事記注引此

作峩然雲舉故有高闕之名也大事記注引此自闕北出荒中闕

口有城跨山結局謂之高闕戍大事記注引此上古迄今常置重

捍以防塞道漢元朔四年衛青將十萬人敗右賢

王於高闕即此處也河水又東逕臨河縣故城北

漢武帝元朔三年封代恭王子劉賢為侯國王莽

之監河也漢武帝元朔二年大將軍衛青絕梓嶺

梁北河是也至河目縣西

水經注

卷三

河水自臨河縣東逕陽山南

漢書注曰陽山在河北指此山也東流逕石跡阜

西是阜破石之文悉有鹿馬之跡故斯阜納稱焉

南屈逕河日縣左北假地名也自高闕以東夾山

帶河陽山以去宋本作皆北假也史記曰秦使蒙

恬將十萬人北擊胡度河取高闕據陽山北假中

是也北河又南合南河上承西河東逕臨戎縣故

城北又東逕臨河縣南又東逕廣牧縣故城北有

東部都尉治王莽之鹽官也逕流二百許里東會

于河

河水又東逕馬陰山西

漢書音義曰陽山在河北陰山在河南謂是山也而即實不在河南史記音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是議誌之僻也陰山在河東南則可矣河水又東南逕朔方縣故城東北

水經注

卷三

五

詩所謂城彼朔方也漢元朔二年大將軍衛青取河南地為朔方郡使校尉蘇建築朔方城即此城也王莽以為武符者也按地理志云今

前漢地志作金連

鹽澤青鹽澤並在縣南矣又按魏土地記曰縣有大鹽池其鹽大而青白名曰青鹽又名戎鹽入藥分漢置典官鹽池去平地

疑作平城

宮千二百里在新

秦之中服虔曰新秦地名在北方千里如淳曰長安以北朔方以南也薛瓚曰秦逐匈奴收河南地徙民以實之謂新秦也屈南過五原西安陽縣南

朱云下段注曰章阜此曰沙阜各兩言可具有形容

平城恐不在朔方

河水自朔方東轉逕渠搜縣故城北

地理志曰朔方有渠搜縣中部都尉治王莽之溝

搜亭也禮三朝記曰北發渠搜南撫交阯此與北

對南禹貢之所云析支渠搜矣河水又逕西安陽

故城王莽更之曰鄣安矣河水東逕田辟城南地

理志曰故西部都尉治也屈東過九原縣南

河水又東逕成宜縣故城南

王莽更曰艾虜也

河水又東逕原亭城南

水經注

卷三

六

關駟十三州志曰中部都尉治

河水又東逕宜梁縣之故城南

關駟曰五原西南六十里今世謂之石崖城

河水又東逕稠陽城南

稠陽舊本作副陽

東部都尉治逕河陰縣故城北又東逕九原縣故

城南秦始皇置九原郡治此漢武帝元朔二年更

名五原也王莽之獲降郡成平縣矣西北接對一

城蓋五原縣之故城也王莽之填河亭也竹書紀

年云魏襄王十七年邯鄲命吏大夫奴遷于九原

舊說以北發為地
名者非是 國

又命將軍大夫適子伐吏皆貂服矣

今竹書紀年作適子代史

其城南面長河北背連山秦始皇逐匈奴並河以東屬之陶山築亭鄣為河上塞徐廣史記音義曰陶山在五原北即此山也始皇二十四年起自臨洮東暨遼海西並陰山築長城及南越地晝警夜作民勞怨苦故楊泉物理論曰秦始皇使蒙恬築長城死者相屬民歌曰生男慎勿舉生女哺用哺不見長城下尸骸相支柱其冤痛如此矣蒙恬臨死曰夫起臨洮屬遼東城塹萬餘里不能不絕地

水經注

卷三

脉此固當死也

又東過臨沃縣南

王莽之振武也

河水又東枝津出焉河水又東流石門水南注之

水出石門山地理志曰北出石門鄣即此山也西

北趣光祿城甘露三年呼韓邪單于還詔遣長樂

衛尉高昌侯董忠車騎都尉韓昌等將萬六千騎

送單于居幕南堡光祿徐自為所築城也故城得

其名矣城東北即懷朔鎮城也其水自鄣東南流

逕臨沃城東東南注于河
河水又東逕稠陽縣故城南

王莽之稠陰也地理志曰自縣北出石門鄣河水
決其西南隅又東南枝津注焉水上承大河於臨
沃縣東流七十里北溉田南北二十里注于河
河水又東逕塞泉城南而東注又東過雲中楨陵縣
南又東過沙南縣北從縣東屈南過沙陵縣西
大河東逕咸陽縣故城南王莽之賁武也

河水屈而流白渠水注之

水經注

卷三

八

水出塞外西逕定襄武進縣故城北西部都尉治
王莽更名伐蠻世祖建武中封趙慮爲侯國也白
渠水西北逕成樂北郡國志曰成樂故屬定襄也
魏土地記曰雲中城東八十里有成樂城今雲中
郡治一名石盧城也白渠水又西逕魏雲中宮南
魏土地記曰雲中宮在雲中故城東四十里白渠
水又西南逕雲中故城南故趙地虞氏記云趙侯
自五原河曲築長城東至陰山又於河西造大城
一箱崩不就乃改上陰山河曲而禱焉晝見羣鵠

遊於雲中，徘徊經日，見火光在其下。武侯曰：此爲我乎？乃卽於其處築城，今雲中城是也。秦始皇十三年立雲中郡，縣曰遠服矣。白渠水又西北，逕沙陵縣故城南。王莽之希恩縣也。其水西注沙陵湖。又有芒干水出塞外南，逕鍾山，山卽陰山。故郎中侯應言於漢曰：陰山東西千餘里，單于之苑囿也。自孝武出師，攘之於漠北，匈奴失陰山，過之未嘗不哭。謂此山也。其水西南逕武臯縣。王莽之永武也。又南逕原陽縣故城西，又西南與武泉水合。其

水經注

卷三

九

水東出武泉縣之故城西南，縣卽王莽之所謂順泉者也。水南流，又西屈逕北興縣故城南。按地理志曰：五原有南興縣。王莽之南利也。故此加北。舊中部都尉治。十三州志曰：廣陵有當有南字興，故此加

北，疑太疎遠也。其水又西南入芒干水。西南逕白道南谷口，有長城在右側，帶長城，背山面澤，謂之白道。南谷口有城，自城北出，有高阪，謂之白道嶺。沿路崖土穴出泉，挹之不窮。余每讀琴操，見琴愼相和雅歌，錄云：飲馬長城窟，及其扳陟斯途，遠懷

古事始知信矣，非虛言也。顧瞻左右，山樹宋本作椒之上有垣若頽基焉。沿谿巨嶺，東西無極，疑趙武靈王之所築也。芒于水又南西逕雲中城北，白道中谿水注之。水發源武川北塞中，其水南流逕武川鎮城，以景明中築，以禦北狄矣。其水西南流歷谷逕魏帝行宮東，世謂之阿計頭殿。宮城在白道嶺北阜上，其城員角而不方，四門列觀，城內唯臺殿而已。其水又西南歷中谿，出山西南流於雲中城北，於雲中城北南注芒于水。芒于又西塞水出懷

水經注

卷三

十

朔鎮東北芒中南流逕廣德殿，山下余以太和十八年從高祖北巡，屆於陰山之講武臺。臺之東有高祖講武碑，碑文是中書郎高聰之辭也。自臺西出南上山，山無樹木，唯童阜耳，卽廣德殿所在也。其殿四柱兩廡，堂宇綺拱，圖畫奇禽異獸之象，殿之西北便得焜煌堂，雕楹鏤栴，取狀古之溫室也。其時帝幸龍荒，遊鸞朔北，南秦王仇池楊難當捨蕃委誠，重譯拜闕，陛見之所也。故殿以廣德爲名。魏太平真君三年刻石樹碑，勒宣時事，碑頌云

肅清帝道振攝四荒有蠻有戎自彼氐羌無思不服重譯稽顙恂恂南秦歛歛推亡峨峨廣德奕奕焜煌侍中司徒東郡公崔浩之辭也碑陰題宣城公李孝伯尚書盧遐等從臣姓名若新鏤焉其水歷谷南出陰山西南入芑于水芑于水又西南注沙陵湖湖水西南入于河

河水南入楨陵縣西北

緣胡山歷沙南縣東北兩山二縣之間而一作出

余以太和中為尚書郎從高祖北巡親所逕涉縣

水經注 卷三 十一

在山南王莽之楨陸也北去雲中城一百二十里

縣南六十許里有東西大山山西枕河河水南流

脉水尋經殊乖川去之次似非關究也

又南過赤城東又南過定襄桐過縣西

定襄郡漢高六年置王莽之得降也桐過縣王莽

更名椅桐者也

河水於二縣之間濟有君子之名

昔漢桓帝十三年西幸榆中東行代地洛陽大賈

齎金貨隨帝後行夜迷失道往投津長曰子封御覽

觀水尋徑之語
作南為日之

此語亦當為
注非徑又也

譚云安知不
姓曰卽作津
長曰子封一
句讀有何不
可

引此無日子封三字疑
當作田子封是津長姓名
送之渡河賈人卒死津
長埋之其子尋求父喪發冢舉尸資費一無所損
其子悉以金與之津長不受事聞于帝
御覽有曰
兩帝字
君子也卽名其津為君子濟濟在雲中城西南二
百餘里

河水又東南左合一水

水出契吳東山西逕故里南而北俗謂之契吳亭
其水又西流注于河

河水又南樹頽水注之

水經注

卷三

十二

譚云俗名多
新異故多以
傳

水出東山西南流右合中陵川水水出中陵縣

黃本缺一字吳本補作南山下北俗謂之大浴山
東字謝云宋本作西字

其水亦取名焉東北流逕中陵縣故城東北俗謂
之北右突城王莽之遮害也十三州志曰善無縣

南七十五里有中陵縣世祖建武二十五年置其

水又西北右合一水水自東山北俗謂之貸敢山
水又受名焉其水自西北流注于中陵水又西北

流逕善無縣故城西王莽之陰館也十三州志曰
舊定襄郡治地理志曰鴈門郡治其水又西北流

又會一水水出東山下北俗謂之吐文水山又取名焉北流逕鋤亭南西流土壁亭南西出峽左入中陵水水又北分爲二水一水東北流謂之流水又東逕沃陽縣坎城李云當作故城南北俗謂之可不塋城王莽之敬陽也又東北逕沃陽城東又東合可不塋水出東南六十里山下西北流注沃水又會東逕參合縣南魏因參合陁以卽名也北俗謂之倉鶴陁道出其中亦謂之參合口陁左縣之西北卽燕書所謂太子寶自河還師參合三軍奔潰卽

水經注

卷三

是處也魏立縣以隸涼城郡也西去沃陽縣故城二十里縣北十里有都尉城地理志曰沃陽縣西部都尉治者也北俗謂之阿養城其水又東合一水水出縣東南六十里山下北俗謂之災豆渾水西北流注于沃水又東北流注鹽池地理志曰鹽澤在東北者也今鹽池西南去沃陽故城六十五里池水澱滯淵而不流東西三十里南北二十里池北十里卽涼城郡治疑作池西有舊城俗謂之涼城也郡取名焉地理志曰澤有長丞此城卽長

丞所治也。城西三里有小阜，阜下有泉，東南流注池。北俗謂之大谷。此佳水，亦受日焉。中陵川水自枝津西北流，右合一水於連嶺北，出沃陽縣東北山下。北俗名之烏伏真山，水曰誥升，袁河西南流，逕沃陽縣左，合中陵川，亂流西南，與一水合。北俗謂之樹頽水，水出東山下，西南流，右合誥升，袁水亂流西南，注分爲二水。左水枝分南出，北俗謂之太羅河，右水西逕故城南。北俗名之昆新城，其水自城西南流，注于河。

水經注

卷三

十四

河水又南，太羅水注之。

水源上承樹頽河，南流西轉，逕武縣故城南十三里。志曰：武縣在善無西百五十里。北俗謂之太羅城，水亦藉稱焉。其水西南流，右水注之，水導故城西北五十里，南流，逕城西北，名之曰故槃迴城。又南流，注太羅河。太羅河又西南流，注于河。

河水又左，得滿水口。

水出西河郡美稷縣東南，流東，觀記曰：郭伋細侯爲并州牧，前在州，素有恩德，老小相攜道路，行部

到西河美稷數百小兒各騎竹馬迎拜。倂問兒曹何自遠來。曰：聞使君到，喜故迎。倂謝而發去。諸兒復送郭外，問使君何日還。倂計日告之。及還，先期一日，念小兒，即止野亭。須期至，乃往。其水又東南流，羌人因水以氏之。漢冲帝時，羌湍狐奴歸化，蓋其渠帥也。其水俗亦謂之爲邊波水。東南流入長城東，鹹水出，長城西，鹹谷東入湍水。又東南，渾波水出西北窮谷，東南流，注于湍水。湍水又東，逕西河富昌縣故城南，王莽之富成也。湍水又東，流入

水經注

卷三

十五

于湍水，左合一水，出善無縣故城西南八十里，其水西流，歷于呂梁之山，而爲呂梁洪。其巖層岫，衍澗曲崖，深巨石崇，竦壁立千仞。河流激盪，濤湧波襄。雷濟雲一作洩，震天動地。昔呂梁未闢，河出孟門之上，蓋大禹所闢以通河也。司馬彪曰：呂梁在離石縣西，今於縣西歷山，尋河乃無過。峘當作至是乃爲巨嶮，即呂梁矣。在離石北以東，可二百有

餘里

又南過西河，曰陽縣東

圖音

余云古本作
幽行經妙若
取作衍字只
音語耳
云電渡奇
庶字尤真

譚云過峘自
過峘意不得

白河前漢志上郡
其西入河又西
向郡國陰縣有銀
水即國水也

漢有封苑火并
楓火從地出張衡
南都賦云天封大
孤列仙之險

西河郡漢武帝元朔四年置王莽改曰歸新園水

出上郡白土縣園谷東逕其縣南地理志曰園水

出西南入河王莽更曰黃土也東至長城與神御

古本作衛水合水出縣南御山峽山東出至長城入于

園園水又東逕鴻門縣縣故鴻門亭地理風俗記

曰園陰縣西五十里有鴻門亭天封苑火并廟火

從地中出園水又東梁水注之水出西北梁谷東

南流注園水又東逕園陰縣北漢惠帝五年立王

莽改曰方陰矣又東桑谷水注之水出西北桑谿

水經注

卷三

十六

東北桑谿東北流入于園園水又東逕園陰南東

流注于河

河水又東端水入焉

水西出號山山海經曰其山木多漆櫟其草多芎

窮是多冷石

經作冷石郭注音金云未詳

端水出焉而東流注

于河

河水又南諸次之水入焉

水出上郡諸次山山海經曰諸次之山諸次水出

是山多木無草鳥獸莫居是多衆蛇其水東逕榆

林塞世又謂之榆林山自漢書所謂榆谿舊塞者也自谿西去悉榆林之藪矣緣歷沙陵屆龜茲縣西出故謂廣長榆也王恢云樹榆爲塞謂此矣蘇林以爲榆中在上郡非也按始皇本紀西北逐匈奴自榆中並河以東屬之陰山然榆中在金城東五十許里陰山在朔方東以此推之不得在上郡漢書音義蘇林爲是失也其水東入長城小榆林水合焉歷源西北

源古本作閭

窮谷其源也又東合首

積水西出首積谿谿東注諸次水又東入于潯山

水經注

入卷三

十七

海經曰諸次之水東流注于河卽此水也

河水又南湯水注之

山海經曰水出上申之山上無草木而多礫石下多榛楛湯水出焉東流注于河也

又南離石縣西奢延水注之

水西出奢延縣西南赤沙阜東北流山海經曰所謂生水出孟山者也郭景純曰孟或作明漢破羌將一段頰破羌於奢延澤虜走洛川洛川在南俗因縣土謂之奢延水又謂之朔水矣東北流逕其

此與合是
以此爲王入

以彼爲
之亦

可至
無

有字
不

或存
亦可

縣故城南王莽之奢節也。赫連龍昇七年，於是水
之北，黑水之南，遣將作大匠梁公叱于阿梨，改築
大城，名曰統萬城。蒸土加功，雉堞雖久，崇墉若新。
并造五兵器，銳精利，乃咸百鍊，爲龍雀大環，號曰
大夏龍雀。銘其背曰：古之利器，吳楚湛盧，大夏龍
雀，名冠神都，可以懷遠，可以柔遠。如風靡草，威服
九區。世甚珍之。又鑄銅爲大鼓及飛龍，使銅駝
龍虎，皆以黃金飾之。列於宮殿之前，則今夏州治
也。奢延水又東北，與溫泉合源。西北出沙谿，而東

水經注

卷三

南流注奢延水。奢延水又東，黑水入焉。出奢延縣

黑澗

埤云當作奢延水又東與黑水合黑水出奢延縣黑澗謝兆申云按宋本黑水入焉水出

奢延縣黑澗。宋刻東南歷沙陵注奢延水。奢延水

又東，合交蘭水。出龜茲，交蘭谷東南流，注奢延水。

奢延水又東北流，與鏡波水合。水源出南邪山南

谷，東北流，注于奢延水。奢延水又東，逕膚施縣，帝

原水西北出，龜茲縣東南流。縣因處龜茲，降胡著

稱。又東南注奢延水。又逕膚施縣南。秦昭王三年

置上郡，治漢高祖并三秦，復以爲郡。王莽以漢馬

員爲增山連率歸世祖以爲上郡太守司馬彪曰
增山者上郡之別名也東入五龍山地理志曰縣
有五龍山也帝原水自下亦爲通稱也歷長城東
出于赤翟白翟之中又有年水宋本作平水出西北平
谿東南入奢延水又東走馬水注之水出西南長
城北陽周縣故城南橋山昔二世賜蒙恬死於此
王莽更名上陵時山上有黃帝塚故也帝崩惟弓
劍存焉故世稱黃帝仙矣其水東流昔段熲追羌
出橋門至走馬水聞羌在奢延澤卽此處也門卽

水經注

卷三

橋山之長城門也始皇令太子扶蘇與蒙恬築長
城起自臨洮至于碣石卽是城也其水東北流入
長城又東北注奢延水又東與白羊水合其水出
于西南白羊谿巡谿東北注于奢延水奢延水又
東入于河山海經曰生水東流注于河

河水又南陵水注之

水出陵川北谿南逕其川西轉入河

河水又南得離石水口

當有水出二字
離石北山南流逕離石縣故城西史記云秦昭王

伐趙取離石者也。漢武帝元朔三年封代其王子劉綰爲侯國。後漢西河郡治也。其水又南出西轉逕隰城縣故城南。漢武帝元朔三年封代其王子劉忠爲侯國。王莽之慈平亭也。胡俗語訛尚有千城之稱。其水西流注于河也。

又南過中陽縣西

中南縣故城在東。東翼汾水。隔越重山不瀆于河

也。孫云中南疑作中陽

又南過土軍縣西

水經注

卷三

二十

吐京郡治故城。卽土軍縣之故城也。胡漢譯言皆訛。僞變矣。其城員長而不方。漢高帝十一年以封武侯宣義爲侯國。縣有龍泉。出城東南。道左山下牧馬川上。多產名駒駿。同滇池。元河。元下脫一馬字其水西北流。至其城東南。土軍水出道左。高山西南注之。龍泉水又北屈。逕其城東。西北入于河。

河水又南合契水

傍谿東入窮谷。其源也。又南至祿谷水口水源東窮此谿也。

河水又南得大蛇水。

發源谿首西流入河。

河水又南又納辱水。

舊本作河水
又右納辱水

山海經曰辱水出于鳥山其上多桑其下多楮陰多鐵陽多玉其水東流注于河俗謂之秀延水東流得浣水口傍谿西轉窮谿便即浣水之源也延水又東會于根水西南谿下根水所發而東北注延水東南露跳水西出露谿東流又東北入延水亂流注于河河水又南注合信支水水發源東露

水經注

入卷三

二十一

西流入于河河水又南左會石羊水巡谿東入道源窮谷西流注入河

又南過上郡高奴縣東

域谷水東啟荒源西歷長谿西南入于河水又南合谿口水出孔山南歷谿西流注于河孔山之上有穴如車輪三所東西相當相去各二丈許南北直通故謂之孔山也山在蒲城西南三十餘里河水又右會區水山海經曰次四經之首曰陰山西北百七十里曰中山其上多穀柞其下多柎檀多

金玉區水出焉而東流注于河世謂之清水上郡東流入于長城逕老人山下又東北流至老人谷傍水北出極谿便得水源清水又東得龍尾水口水出北地神泉鄯北山龍尾谿東北流注清水又東會三湖水水出南山三湖谷東北流入清水清水又東逕高奴縣合豐林水地理志謂之洧水也故言高奴縣有洧水肥可難古燃字水上有肥可接取用之博物志稱酒泉延壽縣南山出泉水大如筥注地爲溝水有肥如肉汁取著器中始黃後黑

水經注

卷三

二十三

如凝膏然極明與膏無異膏車及水碓缸甚佳彼方人謂之石漆水肥亦所在有之非止高奴縣洧水也項羽以封董翳爲翟王居之三秦此其一也漢高祖破以縣之王莽之利平矣民俗語訛謂之高樓城也豐林川長津瀉注北流會洧洧水又有谿谷水注之水西出奚川東南流入洧水又東注于河

河水又南蒲川石樓山南逕蒲城東

卽重耳所奔之處也又南歷蒲子縣故城西今大

魏之汾州治徐廣晉紀稱劉淵自離石南移蒲子者也。關駟曰蒲城在西北漢武帝置其水南出得黃盧水口東出歷蒲子城南東北入谷極谿便水之源也。又南合紫川水水出東北出紫川谷西南合江水江水出江谷西北入紫水紫水又西北入蒲水蒲水又西南入于河水河水入南黑水水出定陽縣西山二源奇發同瀉一壑東南流逕其縣北又東南流右合定水俗謂之白水也水西出其縣南山定水谷更逕定陽縣故城南應劭曰縣在

水經注

卷三

二十三

定水之陽也定水又東注于黑水亂流東南入于河